

聞喜縣志

第一冊

聞喜縣志序

志乘與國史相表裏考形勢揚先烈徵文獻維禮教用以昭示來茲者也聞喜古隸冀州民俗敦龐文化早開歷代名儒碩彥事業文章彪炳宇宙聞風孰不興起民國肇興余於四年冬捧檄權斯邑取讀舊志見原志之外復有志斟志補志續諸編淵懿詳贍歎為大觀惟自前清光緒庚辰續修以後至今已逾三十餘載不無缺漏之憾會

聞喜縣志

序

一中華民國七年

省道長官通令各縣修志并奉頒發體例亟與邑中衆紳聚議集款設局修輯特聘楊君米裳纂修續君實齋參訂王君子美牛君保唐參校賈君盤谷景君明之測繪相君雨巖葉君晴溪經理李君臨豐等採訪諸君皆勇於任事昕夕不遑越一載而遂歲事余既樂觀斯志之成而於斯志之記載精確圖繪密緻愈忻賞矣夫博古尤貴通今鼎新不惜革故斯志所載殆於此三致意焉夷考舊志縣圖純以縣為單



位今則積村成區積區成縣情勢稍殊矣故特繪分  
區地圖冀地方有健全之自治也民力殫竭負擔增  
重非獎勸興業無以厚生而利用故列生業一門冀  
農工商業之發展也列強環伺競爭劇烈非合羣自  
衛無以立國故列民族一門冀適者之生存也科舉  
制廢建設學校非人皆就學無以增進智識咸與維  
新故增入先後成立各校冀教育之普及也其他多  
就舊志斟酌損益期於適合體例非邑紳諸君之熱  
心毅力共襄盛舉曷克臻此嗚呼啓國民之觀感樹  
進化之先聲詎可視為一縣之志而少之哉余瓜代  
有期謹撮其崖略而為之序

民國七年十二月聞喜縣知事安康余寶滋謹識

聞喜縣志序

民國紀元之六年縣長余蘭賓先生奉命修邑志乃召會眾民望而詢謀之咸推韋主筆韋學殖荒落胡足勝任然欲繼先君之志而述其事則勉應之邑志創自明代王令琳明先民李廷評汝寬踵修之廷評一代大手筆觀其舊序及碑記可見豹斑然明清之際屢經修改所存者亦鮮矣今之舊志乃清乾隆時李令遵唐親纂此君夙好辭章而久勞案牘記山水則不忘寫景傳名賢則詳其升降之階而削去軼事名言甚或評以四字八字如上官之考績屬吏以致後人讀之展卷思睡豈非古人之不幸哉至於節錄史傳往往削去事

聞喜縣志

序

一 中華民國七年

之原起及句讀間承轉之助辭仍不無魯魚亥豕使讀者百思莫解及校閱原傳始恍然焉夫簡而明文之上乘也臨文始思求簡其文能無太簡乎光緒大祲後先君膺修志之任以鋟板費鉅且難速成幸舊志板存故但謀續志不謀重修不得已而有志辭之作又有志補之作因徒續非完璧也其究仍非完璧而已今茲邑有石印機可不鐫梨棗而印於楮較之修補舊板續刊新板所費尤省今可以通體修輯琢瑕存瑜期成完璧矣譬猶將傾之大厦必折取其舊材斲之刮之腐朽者易之重築其基而重建之始克堅固而睹輪奐之美也凡志辭之所駁盡改正之豈惟改正且重輯之蓋志辭僅舉其

大實則十未列三焉凡志補之所增盡加入之間有不得不缺者則以國體不合也李令原著卷首書李令名 先君原著卷首書 先君名餘但於條下註舊志志辭志補志續字 先君卷首小序有不適用者亦不得不更他日錄存文集可也於是宜詳者增其卷帙或篇幅宜略者併列為表或徑刪之又補其漏而續其新字句務求詳明體例務求嚴謹期成一家之言以繼 先君未竟之志以述 先君未成之事而已烏敢稱著作哉舊志城池疆域各圖直寫景畫耳先君始更為疆域方里圖及沿革圖然究不及實測之確今用測量儀器實測重製之古地名今地名山脈水道各別以色放大原圖

聞喜縣志

序

二中華民國七年

四倍以便檢閱更放大為六區之分圖更放大為城郭圖凡八幅彙訂首冊志凡二十五卷分訂六冊閱時十三月始歲其事七年八月處暑後跋以召集赴省會留子壻劉衍慶校對付印又於暇日削稿投郵幸書成得無訛不忍沒其勞故附名序末焉中華民國八年一月十五日即舊曆戊午年臘月十四日山西省議會常駐委員縣公民楊鞞田序於并門寓所

聞喜縣志目錄

首册 城郭圖 山脈水道疆域沿革總圖 六大區分圖

第一册 序 目錄 題名 歷修舊志題名 舊志序

卷一 疆域 驛站道 路附 卷二 沿革

卷三 天時 卷四 溝洫

卷五 物產 卷六 生業

卷七 賦稅丁役 戶口倉 儲附 卷八 方言

卷九 禮俗

第二册 卷十 民族 卷十一 職官表

聞喜縣志

目錄

一 中華民國七年

卷十二 兵防 卷十三 學校表

卷十四 選舉表 卷十五 名宦傳

第三册 卷十六上 名賢傳上

第四册 卷十六下 名賢傳下 卷十七 獨行傳 孝友義烈 師儒文藝

第五册 卷十八 列女傳 卷十九 雜傳

第六册 卷二十上 金石 卷二十下 新增金石

卷二十一 藝文 卷二十二 營建

卷二十三 古蹟 卷二十四 舊聞

卷二十五 雜誌

中華民國七年修志題名

總修

六等嘉禾章 任命聞喜縣知事光緒壬寅副貢余寶滋 蘭賓  
山西陸軍營務處街 纂修

山西軍署諮議省議會議員前任本縣知事辛卯舉人楊毅田 米裳  
儀張

同修邑人

參訂教育會長勸學所長高小校女校校長戊戌歲貢績 光 實齋  
北村

參校清中憲大夫大理院刑四庭推事倉場監督附貢王尊五 子美  
城內

參校兩等女學校校長清分省試用鹽大使辛卯舉人牛鑑三 保唐  
胡村

聞喜縣志

題名

一 中華民國七年

理事員候補省議會議員清考用分省巡檢縣學附生葉 連 晴溪  
甄城

理事員縣議會議長地方公款局經理清六品銜附貢相成霖 雨巖  
城內

測量繪圖河東籌餉局副官城防營副陸軍測量畢業賈慎銘 盤谷  
城內

測量繪圖山西測量局製圖班員陸軍測量學校畢業景重光 明之  
姚村

測量繪圖參謀部地形班員中央陸軍測量學校畢業李國璋 希珍  
城內

總校對兼收掌山西省立第二中學校畢業劉衍慶 絲齋  
橫水

分校對兼督印山西省立第二中學校畢業李從龍 雲峯  
下陽

司事兼謄錄前清州同銜監生李興仁 德宣  
城內

謄錄兼寫板山西法政研究所畢業清附生賈廷暎 耀菴  
南關

騰錄山西改良私塾講習所畢業張琛慶姚獻村臣

騰錄山西師範體操專修科畢業清附生任 靛墨南關巧

石 印 掌 作楊文元連三城內

金石採訪邑人

從九 李臨豐下陽村 附生 趙宗林東鄉呂莊 附生 張樹勳南鄉王村

監生 梁希賢西宋村 附生 王天成栗村鎮

採訪邑人

武舉 張廷楹淳和巷 增生 孫萬選學門道 附生 王元龍上頭地

附生 陳 樟西城莊 監生 李激心景家巷 師範畢業 葉 苓甄城

聞喜縣志

題名

二 中華民國七年

增生 解欣榮郭家巷 科中書街 李元璐三合巷 增生 關朝鑰西關

巡官 任鴻章南關 大學畢業 解 柁東門口 中學畢業 班 堃仁和巷

小學畢業 王 璋永豐巷 歲貢 吳郁文交口 附生 劉篤忠任村

附生 任占鰲北村 附生 武海鑑東鎮 附生 崔甲榮槐林村

附生 張如桂問店 中學畢業 王禮齋東鄉薛莊 附生 趙乃梓曇泉村

恩貢 喬時望橫水鎮 河南知縣 喬壽嵩橫水鎮 附生 趙振德峪口村

附生 潘昌本寺底村 附生 馮乙林寺底村 附生 陳立本東鄉吳村

千總 甯鎮廷裴村 附生 江文江裴村 例貢 裴天葆觀底村

附生 楊 笈郝莊 監生 原秉乾中董村 附生 賈來聘裴社村

附生 李天佐 坡申村 附生 李純嘏 蔡村 附生 崔巖 邱村

武生 李世輝 衛村 從九 安仁麟 堰掌鎮 監生 郭煥珠 孫村

大學 孫繩武 西官莊 附生 賈步瀛 東官莊 小學 崔景耀 西官莊

附生 趙祥萊 趙家莊 附生 郭金鉦 蔡村 附生 任秉琨 坡申村

監生 李翰華 古上莊 廩生 李鳳樓 上丁村 廩生 崔邦俊 上丁村

附生 李仰兢 馬家房 增生 李體競 馬家房 附生 劉耀光 衛家莊

附生 任維賢 衛家莊 附生 趙自強 陳家莊 監生 張德明 龍兆頭

恩貢 李鵬舉 辛村 附生 王全秀 栗村 附生 雷在山 康村

附生 席文炳 胡城村 附生 郝錦江 郝壁村 監生 周玉美 柴家莊

聞喜縣志 題名 三 中華民國七年

法政 張鳳翽 東顏村 附生 楊豐玉 舖頭村 李效義 陽隅村

張文田 七里店

修志經費

縣民依照錢糧多寡釀金修印共大洋三千一百五十六圓

商務會捐大洋四百圓

歷修縣志姓氏

明正德十二年

王琳 邑令  
王紳 教諭  
秦誠通 邑人

萬曆二年

王象乾 邑令  
李汝寬 邑人

清順治十年

蘇本眉 邑令  
郭梓橋 訓導  
王體言 邑人  
甯世珽 邑人

崔爾仰 邑人  
李振墀 邑庠  
劉繩芳 邑庠  
楊爾休 邑庠

甯洪生 邑庠  
溫素能 邑庠  
李振壑 邑庠  
翟熠 邑庠

聞喜縣志

歷修縣志姓氏

一中華民國七年

康熙十一年

沈光瑀 邑令  
朱裴 邑人  
楊永寧 邑人  
王鍾靈 邑人

王體言 邑人  
溫廠 邑人

乾隆三十年

李遵唐 邑令  
王肇書 邑人  
柳懷觀 邑人  
劉瑛 邑人

翟邠 邑人

光緒五年

陳作哲 邑令  
楊深秀 邑人  
楊來青 邑人  
喬炳南 邑人

潘夢鳳 邑人  
王保昌 邑人  
喬作贊 邑廩生  
李潤之 邑增生

明萬曆二年舊志序

李汝寬 邑人

聞喜故曲沃晉宗邑也晉之乘與魯之春秋並稱春秋以孔子筆削為經至今昭如日月晉乘無傳在周景王時籍談以司典之後已不知晉之分器為何物文獻不足豈獨夏殷之後哉千載而下晉之故散見於書之文侯之命詩之魏風唐風左傳國語史記晉世家而未  
有專史也至唐柳子厚以高才博學致枚乘之七發為七問以括晉之故以諷時君薄事役而隆道實意非不美也然言儉不能掩其矜富強之侈言和不能掩其誇伯力之憤君子有遺論焉況其他乎聞喜今為晉下邑雖非昔比而其故有可知者自正德丁丑王侯琳屬

聞喜縣志

舊志序

一 中華民國七年

邑博王紳氏始為志覽者病焉蓋如志沿革而以桐鄉為湯陵志古蹟而以梨園為唐教坊之類則失之訛志山川而中條峨嵎之首尾不知獨存其名號志官師而歷代淑慝之影響俱幽獨詳於見任則失之略驛丞僧會之籍貫不遺豈所謂人有微而不登其姓名者乎寺觀淫祠之興廢甚悉豈所謂事有小而不記其本末者乎乃若均徭里甲驛遞軍匠等役民隱所關者皆闕焉而不志歷代之人物履歷士風所係者又志焉而不詳且其志藝文邑獻如毋邱儉裴秀郭璞等外獻如韓退之柳子厚李翱等其詩文有關於邑故者曾不一錄而寺觀淫祠鄙俚之文雖多亦奚以為雖謂之無志可也迄今甲

子一周又未有續而修之者先是西蜀文侯明吾氏嘗以屬余余方擬議間而侯以內召行矣今東海王侯霽宇氏又以屬余而前日之心復萌但余既寡學又寡書深惟後人復議後人是懼所幸侯以文獻世家仕優好學手不釋卷時遇載籍有關於邑故者即指以示余及余所欲見之書境內金石之文力弗能致者侯皆為致之又時造廬而可否焉余又時以稿呈於侯求是政焉譬之作室者聚眾材付之拙工而大匠監其繩墨時或運斧斤而斲之故可以無大頗參舊志而觀之庶幾彼善於此質之名家諸志猶未免春秋戰也自屬筆至是已三閱月侯諒余之力盡於此恐成遷延之役遂鳩工刊而藏

聞喜縣志

舊志序

二 中華民國七年

之官府蓋有不得已焉耳

清順治十年舊志序

王體言 邑人

邑境居古唐虞地周為曲沃春秋屬晉介在唐魏之間其土瘠其民貧其俗儉約詩人當年歌蟋蟀至今猶有葛屨風前代名公屢撰厥志萬曆甲戌戒菴李公纂修之考覈援引至嚴且悉論議沈詳斐惻民生疾苦吏治得失歷歷縷述八十有餘禩矣獨是世變時遷人殊政異其間行誼勳名文章節義可以列善敗昭勸懲示來茲者不知凡幾何人幾何事矣補綴未遑久為曠典僉相擬議間會逢別駕蘇公以渤海名家來視邑篆自冬徂春庭無宿牘獄無冤民里無逋賦

累累善政不可枚舉與人歌慈母焉敷政之餘取邑志讀之慨然為  
釐新計以其事屬余余虞固陋負公託爰集諸友商確之謀之學宮  
考之故寔訪野叟而問謠俗以眾人之耳目為耳目每錄一款輒詣  
公裁定之公亦時造廬辱教之甫閱月藁粗就公捐俸金鏤梓成帙  
將藏之官府余思先達戒菴公以一代著作手具修飾潤色之能可  
使四海之內嘗鼎鬻窺豹斑猶慮後人議後人余卻步前人寔益深  
乎恐懼亦豈謂曰文莫猶人遂勒一邑之盛典垂不朽乎嘗聞之歷  
下生曰志者志也志其事而已欲善之以有所取義作者之志也國  
朝稽古定制賦稅視昔官職視昔科目貢舉視昔一切郊天神祀人  
鬼養耆老褒貞良黜不肖無不視昔者已十載於茲矣近復捐發帑  
金購求海內遺書倘以其所為志者上陳之備觀乙夜按人性物土  
利審俗尚稽吏職之良楛考文獻之興替班班指掌則是志之修也  
固不俟皇華之奏而不啻方岳之省也今而後有問余以志之事者  
余將曰蘇公命也二三良友之力也余不敏勉副公託縱使後人復  
議後人亦所弗恤也已

清康熙十一年舊志序

沈光瑀 邑令

余嘗觀聞邑之志而竊有事於續編也所記風俗山川及津梁土產  
之屬已備曩書歷千百年無異有是志即足以壽天地何必又續編

為顧是志也舊為王尹佩所輯後六十年一修於李巖夫再八十年復修於蘇本眉閱今不修者又幾二十年此二十年中豈無足登之載筆者爵里氏族之盛代不乏人雖其後稍降矣然而衰者可起文章事業如著作郎之郭景純身繫天下重輕之裴中立真宰相之趙元鎮邑有典型以風厲而激勸之此非志無以日接於目而非續志又無以益新其見爾即以治署言之寇燼之餘李九畹為之重建余亦建有完爾堂建有義倉書院矣而且土無不墾生齒漸繁可不謂富庶之有加焉無以志之幾不知二十年有此廢興也此所以不能已於續編也矧邑之有志無殊國之有史紀事編年不可一日或闕

聞喜縣志

舊志序

四中華民國七年

使前有志今無志則烏乎可在昔直筆稱董狐宋史稱裴松之梁書稱裴子野皆屬邑人而邑又古晉都邑之志仍晉之乘也邑南界與夏城接壤往者司馬氏有涑水遺編余修是志而名以涑水續編亦猶司馬氏之意也嗚呼斯地固多史才後有起而採貢者請勿以稗野置之方將有信志者有信史豈區區一邑之志云乎哉

清乾隆三十年舊志序

李遵唐 邑人

聞喜為古曲沃地中條蟠衍鬱律環邑境者四十里萃紫金鳳凰峩峩嶺香山諸勝面臨涑水包羅宏秀又當秦晉孔道輪蹄輦互郵傳往來雜糅於闐闐間者較他縣為甚舊隸平陽府雍正七年改屬絳州

癸未歲遵唐奉命調補是邑甫下車披閱邑乘見舊版多漫漶且修自康熙十有一年迄今九十餘載曾未有人續纂其間吏治民生文章節義可以昭勸懲著善敗缺而未登者不知凡幾深以不純不備是憾會上官諭修各邑志爰合邑之紳士及碩學端謹者進而采訪焉昔司馬文正公曰聞喜士大夫之林藪也邑獻如毋邱儉郭璞裴秀諸公著作垂不朽後豈乏接踵者遵唐承乏茲邑倘聽其殘缺是誰之過與夫志記也記一方之事而備載之書但使網舉目張毋濫毋遺足以傳信斯已矣二三子不與有責耶邑紳士合詞曰敢不悉心以襄厥事摺撫編輯閱三年而志成上之州守張公曰可遂付刊

聞喜縣志

舊志序

五中華民國七年

馬遵唐前任夏縣當建築白沙河石堤工程蝟集之時贊修夏志今官斯邑首建書院落成而聞志亦踵而告竣豈非守土者之幸歟我國家治道日隆典章大備司牧者方恐無以稱厥職是書之成庶幾循名責實掩卷深思曰如何而學校興也田賦登也民俗可封而庶政畢舉也即以是志為官箴也可所懼學識荒陋體例弗精則不純不備猶未免滋議於後人云爾

清乾隆三十年舊志序

沈 栻河東兵備道

志之作首重沿革古今來郡邑建置不常名亦屢易一有沿誤援引都非其次重人物大賢小賢據事直書列名者足以勸否者足以懲

偶有遺濫懲勸焉寄二者蓋交譏焉聞喜即古曲沃地今之曲沃古新田也二縣沿革聚訟日久并有以聞喜為湯時桐宮者邑人李汝寬辨之甚詳載在通志至三晉人物之盛若晉郭景純經術通神明唐裴晉公宋趙豐公功業軒天地皆聞產也而裴氏發源魏晉顯於南北朝而尤薈萃於唐至今千餘年冠裳不絕余嘗過裴柏村環數里墓碑林立其名氏官爵可考者尚有百餘人三晉氏族之盛無逾是者邑令李君遵唐於癸未歲調繁茲邑所以養士治民者以次就理繼以纂修邑志為己任稿成質余統觀之紀載井井詳略各當其上關國家經制之大及教養斯民之具既已犁然具備而於沿革人

聞喜縣志

舊志序

六中華民國七年

物二門尤加意考正搜羅毋失信乎可以息俗說之聚訟括名賢之譜牒豈有譏歟李君前宰解州之夏縣下安其治時州守言君續修一州四縣全志李君於本邑志多所釐正秩然有章與今所修聞喜縣志先後告成俱尚體要所謂以經術飭吏治者此其一端與因喜而為之序

清光緒五年舊志序

陳作哲

邑令 楊儀  
村先生代筆

作志有三難一曰體例欲精則難二曰考據欲覈則難三曰文章欲潔則難至避忌畏謗之難抑末也自明已來郡邑大率皆有志最著者推吾秦之武功朝邑間嘗披誦再三服其文章之潔其體例考據

實未敢雷同附和也。以故洪穉存、章實齋皆嘗譏之，而錢獻之重撰朝邑段襄亭補武功之金石之數人，皆當代鴻儒，故不肯苟同。若此也，光緒丁丑，余奉憲檄署事，聞喜爾時巨浸無涯，議鎮議賑，乙卯荒政歲事始得取邑志而讀之，文章無咎無譽，體例考據二者則竟不可究詰。以聞喜素號文獻區，而其書若此，竊用憫然。會宮保爵撫憲曾大中丞有重修山西通志之舉，札飭州縣俾各蒐輯其邑乘，用延名宿秉筆，不半歲成書十二卷，且以三類別之，曰志、輯、志補、志續。其考據精確，文章雅練，不具論。至其體例，皆取諸前輩大師，余得而略言之矣。懿夫地學宗工，晉代有二：李彥景、純同產斯邑，故言地於聞

聞喜縣志

舊志序

七 中華民國七年

尤不可苟焉而已。郭長於考，裴長於圖，圖非深明六體未合率爾從事。茲廢黜八景，分列四圖，限以碁局，文參以羅經，向則李申耆歷代地圖之例也。至如志首地理，地重沿革，羣言抵牾，折衷為藉。舊志寥寥數語，而附載李在澗、曲沃、桐宮二辨，實則桐宮辨先失確實，既慮疑誤，後學曲沃辨橫遭掇踢，又當伸理本原。茲綱目發之，而縱衡表之，則戴東原汾州志之例也。若乃虞初始作古記，有偽設之子虛譜，學失傳家，傳多自載之，賀若依樣錄入，別裁謂何？又或霸史偏誕，須臾別部石文，蛙蝕間露，逸人茲於舊志之人物列女職官選舉以正史及古碑為主，傳記別集家乘輔之主客，互糾有遺，必拾則毛西河